



Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

Telefon: 658-038, 616-101, 641-051, 710-270, 611-766; Fax: 656-812, 654-480, 643-966

E-mail: jkpradsa@bih.net.ba; web: www.rad.com.ba; EKO telefon: 660-000

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Na osnovu člana 234. stav (1) tačka k, a u vezi sa članom 303. stav (1) Zakona o privrednim društvima („Službene novine Federacije BiH“, broj 81/15), člana 25. Statuta KJKP „RAD“ d.o.o. Sarajevo, broj: 14520/17 od 25.07.2017. godine, Odluke o dopuni Statuta KJKP „RAD“ d.o.o. Sarajevo, broj: 01SP-17064/18 od 28.09.2018. godine, Odluke o dopuni Statuta KJKP „RAD“ d.o.o. Sarajevo, broj: 01SP-18108/19 od 26.09.2019. godine i Odluke o izmjeni Statuta KJKP „RAD“ d.o.o. Sarajevo, broj: 01SP-14163/20 od 25.08.2020. godine i Odluke Skupštine Preduzeća, broj: 01SP-13252/21 od 10.08.2021. godine, Skupština KJKP „RAD“ d.o.o. Sarajevo, raspisuje:

K O N K U R S za izbor i imenovanje članova Nadzornog odbora KJKP "RAD" d.o.o. Sarajevo

I Predmet konkursa:

Raspisuje se konkurs za izbor i imenovanje 3 (tri) člana Nadzornog odbora Kantonalnog javnog komunalnog Preduzeća „RAD“ d.o.o. Sarajevo.

II Opis pozicije:

Nadzorni odbor nadležan je da:

- a) predlaže Skupštini Preduzeća donošenje, izmjene i dopune Statuta,
- b) u suradnji s Odborom za reviziju priprema Etički kodeks i predlaže Skupštini Preduzeća;
- c) donosi Poslovnik o radu Nadzornog odbora;
- d) donosi opće akte Preduzeća iz svoje nadležnosti;
- e) nadzire rad Uprave, te odobrava odluke strateškog karaktera;
- f) razrješava člana Nadzornog odbora s dužnosti predsjednika, uz istovremeno imenovanje jednog od svojih članova za predsjednika Nadzornog odbora;
- g) utvrđuje prijedlog trogodišnjeg, godišnjeg i revidiranog plana poslovanja;
- h) usvaja izvještaj Uprave o poslovanju po polugodišnjem i godišnjem obračunu s bilansom stanja i bilansom uspjeha i izvještajem revizije;
- i) podnosi Skupštini Preduzeća godišnji izvještaj o poslovanju koji obavezno uključuje finansijski izvještaj i izvještaje revizora, Nadzornog odbora i Odbora za reviziju;
- j) odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom zavisnih društava Preduzeća u toku poslovne godine u obimu od 15% do 33% knjigovodstvene vrijednosti ukupne imovine Preduzeća, po bilansu stanja na kraju prethodne godine;
- k) predlaže Skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom zavisnih društava Preduzeća u toku poslovne godine u obimu većem od 33% knjigovodstvene vrijednosti ukupne imovine Preduzeća, po bilansu stanja na kraju prethodne godine;
- l) daje mišljenje Skupštini Preduzeća o prijedlogu Uprave o rasporedu dobiti i načinu pokrivanja gubitka;
- m) vrši izbor kandidata Odbora za reviziju i podnosi prijedlog za njegovo imenovanje Skupštini Preduzeća;
- n) prati provođenje postupaka javnih nabavki, u skladu s važećim propisima;

- o) imenuje i razrješava članove Uprave u skladu sa Statutom Preduzeća;
- p) daje ovlaštenja za aktivnosti koje su ograničene propisima Zakona o javnim preduzećima;
- r) nadzire Upravu u primjeni preporuka datih od strane Odbora za reviziju i vanjskog revizora, sa specificiranim rokovima;
- s) daje upute organima Preduzeća radi otklanjanja nepravilnosti u radu;
- t) po potrebi prisustvuje sjednicama Skupštine Preduzeća;
- u) vrši uvid u poslovne knjige i dokumentaciju Preduzeća;
- v) usvaja Cjenovnik usluga;
- z) donosi odluku o službenim putovanjima direktora;
- aa) razmatra izvještaje o mjesečnim sastancima Odbora reviziju;
- bb) obrazuje Komisije i utvrđuje njihov sastav i zadatke;
- cc) donosi odluke po prigovoru kao drugostepeni organ u postupku prijema radnika u radni odnos;
- dd) vrši i druge poslove predviđene zakonom.

III Mandat:

Članovi Nadzornog odbora imenuju se na period od 4 (četiri) godine, s tim da po isteku perioda od 2 (dvije) godine, od dana imenovanja, Skupština Preduzeća glasa o povjerenju članova Nadzornog odbora.

Predsjednik i članovi Nadzornog odbora nakon imenovanja sa Preduzećem zaključuju ugovor koji odobrava Skupština Preduzeća.

IV Uslovi za imenovanje:

Kandidati za imenovanje na tražene pozicije moraju ispunjavati opće i posebne uslove.

- Opći uslovi:

1. da je državljanin Bosne i Hercegovine (dokaz: uvjerenje o državljanstvu ne starije od 3 mjeseca, original ili ovjerena kopija istog),
2. da je osoba starija od 18 godina (dokaz: Izvod iz matične knjige rođenih, original ili ovjerena kopija istog)
3. da nije osuđivan za krivično djelo i za prekršaj nespojiv s dužnošću u Nadzornom odboru, 5 godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca),
4. da mu presudom nije zabranjeno obavljanje aktivnosti u nadležnosti Nadzornog odbora (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca),
5. da nema privatni finansijski interes u Preduzeću u čiji se Nadzorni odbor kandiduje (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca),
6. da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od (3) tri godine, prije dana objavljivanja upražnjene pozicije (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca),
7. da se na kandidata ne odnosi član IX 1. Ustava Bosne i Hercegovine (dokaz: potpisana izjava od strane nadležnog općinskog organa, ili od strane notara, ne starija od 3 mjeseca),
8. da ne postoje druge zakonske smetnje za obavljanje funkcije u Nadzornom odboru (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca).

- Posebni uslovi:

1. visoka stručna sprema – VII stepen stručne spreme, odnosno visoko obrazovanje prvog ciklusa koje se vrednuje sa najmanje 180 ECTS bodova, ili drugog ili trećeg ciklusa Bolonjskog sistema studiranja, iz tehničkih, ekonomskih, pravnih ili prirodnih nauka (dokaz: ovjerena kopija

univerzitetske diplome ili uvjerenja o diplomiranju o sticanju VSS, VII stepena stručne spreme ili završenom stepenu prvog ciklusa koje se vrjednuje sa 180 ECTS bodova ili drugog ili trećeg ciklusa Bolonjskog sistema studiranja iz tehničkih, ekonomskih, pravnih ili prirodnih nauka),

2. da ima najmanje 3 godina radnog staža nakon sticanja tražene stručne spreme (dokaz: Potvrda ili Uvjerenje o radnom iskustvu Poslodavca, original ili ovjerena kopija koja mora sadržavati podatke na osnovu kojih se može utvrditi dužina radnog staža),
3. da posjeduje znanja i sposobnosti razmatranja poslovnih izvještaja i propisa iz oblasti komunalnih javnih preduzeća (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca),
4. da ima pozitivne rezultate rada ostvarene tokom radnog angažmana (dokaz: Preporuka poslodavca ili posljednja ocjena poslodavca o rezultatima rada, original ili ovjerena kopija iste),
5. da nije predsjednik ili član nadzornog ili upravnog odbora u drugom Preduzeću sa većinskim državnim kapitalom ili instituciji (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca),
6. da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornog odbora i uprava privrednih društava sa učešćem državnog kapitala iz nadležnosti Kantona Sarajevo („Službene novine Kantona Sarajevo“ broj: 34/19), odnosno da preuzima obavezu da usavršavanje obavi u roku predviđenom navedenom Uredbom (dokaz: ovjerena kopija Certifikata o završenom usavršavanju izdat od strane nadležnog organa/Komore ili Izjava potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku od jedne godine od dana imenovanja na poziciju. Ukoliko u navedenom roku lice ne završi usavršavanje prestaje mu mandat članstva u Nadzornom odboru)

Kandidat koji posjeduje certifikat izdat od ovlaštenog organa bilo kojeg nivoa vlasti u BiH, izuzet je od obaveze navedenog usavršavanja.

V Prilikom procjene kvalifikacije i iskustava kandidata, uzet će se u obzir sljedeće:

- a. sposobnost prepoznavanja, zastupanja i zaštite interesa Preduzeća,
- b. sposobnost za odgovorno obavljanje dužnosti člana Nadzornog odbora,
- c. izražena inicijativnost i nezavisnost u radu i donošenju odluka,
- d. znanje i sposobnost razumijevanje finansijskih i poslovnih izvještaja,
- e. poznavanje propisa vezano za djelatnost i rad Preduzeća,
- f. komunikacijske i organizacijske sposobnosti,
- g. rezultati rada ostvareni tokom dosadašnjeg radnog angažmana.

VI Potrebni dokumenti:

Kandidati su dužni dostaviti:

- potpisanu prijavu na konkurs
- CV sa adresom i kontakt telefonom;
- dokumente kojima se dokazuje ispunjavanje općih i posebnih uslova iz tačke IV original ili ovjerena kopija po definisanim tačkama

Komisija za izbor članova Nadzornog odbora zadržava pravo provjere svih podataka iz izjava i drugih dokumenata kandidata.

Prijave kandidata sa kojima se ne stupi u kontakt u roku od deset dana od dana isteka roka za podnošenje prijave, neće se uzimati u razmatranje u daljem postupku izbora. Komisija će sa kandidatima koji ispunjavaju uslove obaviti intervju.

Pozvani kandidati koji ne pristupe zakazanom intervjuu, smatrat će se da su odustali od konkursa.

Komisija će Skupštini Preduzeća dostaviti Izvještaj o obavljenom intervjuu i drugu popratnu dokumentaciju kandidata.

Skupština Preduzeća može obaviti ponovni intervju sa nekim od kandidata ukoliko ocijeni da postoje razlozi za to.

Skupština Preduzeća će izvršiti izbor i imenovanje članova Nadzornog odbora.

Kandidat koji bude imenovan, dužan je dostaviti uvjerenje da nije osuđivan za krivično djelo i prekršaj nespojiv sa dužnošću u Nadzornom odboru 5 godina od dana pravosnažnosti presude uključujući vrijeme zatvorske kazne i da nije lice kojem je presudom suda zabranjeno obavljanje aktivnosti u nadležnosti Nadzornog odbora.

Javni konkurs ostaje otvoren 10 (deset) dana, od dana njegovog posljednjeg objavljivanja. Konkurs će biti objavljen u "Službenim novinama Federacije Bosne i Hercegovine" i u jednim dnevnim novinama.

Prijavu sa traženom dokumentacijom dostaviti lično ili preporučeno poštom na adresu:

**KJKP "RAD" d.o.o. SARAJEVO,
Ul. Paromlinska br. 57, 71000 Sarajevo
sa naznakom:**

**"PRIJAVA NA KONKURS ZA IZBOR I IMENOVANJE ČLANOVA NADZORNOG ODBORA
KJKP "RAD" d.o.o. SARAJEVO – OTVARA KOMISIJA"**

Na poleđini koverta naznačiti ime i prezime, te adresu podnosioca prijave.
Neuredne, nepotpune i neblagovremene prijave neće se uzeti u razmatranje.
Napomena: Priložena dokumentacija neće se vraćati, osim kandidatima koju su istu dostavili u originalu i na pismeni zahtjev.